

# اسلام گوردی

معارف : « دینی برصیات ، حیاتی بر دینہ » در .

پیل ۱ - صانی ۱۰ ۲۴ رجب ۱۳۳۲ مدیری : حلیم ثابت  
۵ حیران ۱۳۳۰

فعللری ، تقریرلری تعلیمات قرآنیہ نیک عملیات ساحہ مندہ کی حقیقتلرینی  
ایضاح ایتدیکی کی ، اقوال نبویہ مدہ بعضاً زمانہ ، زمینہ کوردہ عینی معنای محتوی  
کله لر ایله حضرت قرآنی تفسیر ایلر . حتی کتاب وسنتده کی بوتون تعییرات همان  
یک دیکرینک عینی کیدر .

اسلامی مفہوملرک افادہ سی خصوصندہ مدہ کتاب وسنتک آراستہ اختلاف  
موجود دکلدرد . ایستہ بوندن دولاییدر کہ احادیث شریفہ مدہ کی عرف - معروف  
ومتکرر کله لریدہ همان قرآن کریم مدہ کیلر کیدر ؛ هپ عینی مفہومک افادہ سی  
ایچون قوللانیلمقدہ درلر . سنن نبویہ و احادیث شریفہ مدہ کی بوتون عرف - معروف  
کله لریدہ هپ « وجدان عمومینک اینی کوردیکی شی » مفہومنی افادہ ایدرلر ..  
علم ثابت

## اسلام قادی

### اسلامدہ قادینک موقع اجتماعی

— ۲ —

اسلامک ایلک دورلرنده قادینلره جمعیت ایچنده محترم بر موقع ویرلش  
اولدیغه دائر آثار اسلامیه دن یک چوق وثیقہ لر کوسترمیلیرد .

جناب رسالتناه ، حیاتلرینک اک بحرانی زمانلرنده حضرت خدیجہ نیک  
صیمی تسلیتلرینی طویش ، فداکارانه خدمتلرینی کورمشلردی . اکثر مهم  
شیلری خدیجہ ایله مذاکرہ ایتک اعتیادات نبویہ دن ایدی . خدیجہ ، تاریخک  
قید ایتدیکی زوجہ لریک اک فضیلتکاری ، قادین سیالرینک اک بلند واک فداکاری  
ایدی . زوج محترملری ، کندینسندہ صیمی و شفیق بروحک اک یوکسک  
سجیہ لرینی بولشدی .

اسلامدہ قادینک موقع بلندی آکلامق ایچون (خدیجہ) و (عایشہ) اسملرینی  
تخطر ایتک کافیدر .

حضرت خدیجہ ، دین احمدینک قادینه تأمین ایتدیکی پایہ حرمتک علویتی  
کوستیر برتمثال تاریخی در . مکہ ایلر ، سونمز برغیظ ایله رسول اکرمه هجوم

ایتدکاری زمانده ، قادینلرک انک نجیب واک فداکاری اولان خدیجه ، صمیمی و رخنواز تسلیتلره زوج محترمک تأثراتی تعدیه پالیشیر ، آلامه اشتراک ایدردی . وحی رسالتک ایلک محرم رازی خدیجه اولمشر . اسلامک قادینی دون بر سویهده طوطدیغنی ادعا ایدنلر ، بو جهتلری دوشونهرک هیچ اولمزیه براز منصفانه بیان مطالعه ایتلیدرلر .

فرط ذکا و درایتیه ممتاز اولان خدیجه ، رسول اکرمک هم رفیقہ حیاتی ، همده اتیه روحی ایدی . مشارالیه ، هرکس دن اول اسلامیتی قبول ایتشدی . چونکه زوج محترمنی هرکس دن ائی طائیش ، اونک روح نجینه هرکس دن زیاده محرم اولمشر . حضرت پیغمبر ، دائما کندیلریله مشاورهده بولورلردی . ذات رسالتی و فائیدن صوکره مشارالیهادن بحث ایدرکن : ( بوتون خلقی بنی تکذیب ایتدیکی بر زمانده او بنی تصدیق ایتدی . هرکس بکا اذا ایتدیکی صرهده خدیجه صمیمی تسلیتلره بکا یار اولدی .. ) یولنده تجلیلاتده بولورلردی .

حضرت عایشه ایسه ؛ موقع دینیسندن صرف نظر ؛ عرفانا ، فضیله تاریخی قادینلر آرمنده الیوکیک بر موقع شرف احراز ایدر . عظمای اصحاب بر مسئلهده دوچار اشتباه اولدقلری زمان حضرت عایشهیه مراجعت ایدرلردی . جناب رسالتناه ، دینکرک اساساتی عایشه دن اوکره نیکر ، فرماتیه هم مشارالیهک فضیلت علمیه لرینی تجیل ، همده قادینلرک اسلامده کی بلند درجه سنی تعیین بویورمشرلردی . بر دین که احکامک بر قسمی پیغمبرینک زوجاتندن اوکره تیلمشر ، او دینک جمعیت ایچده قادینه بر موقع ویرمدینکنی ادعا اتمک قدر غریب بر اسناد اولورمی ؟ ...

اصحاب آرمنده بادی مناقشه اولان بر مسئله ؛ چوق دفعه لر ؛ حضرت عایشه نک بر تبلیغی ایله حل و فصل اولندیغنی تاریخ فقه کوسترمیورمی ؛ فی الحقیقه احادیث صحیحهدن بر قسمک مشارالیهادن اوکره نیلیدیکی ، علم حدیثیه توغل ایدن ذواتک تحت اعترافده در .

شرع احمدینک قطعیه حکم سوردیکی دورلرده قادینلر ، هر درلو حقوقه مظهر ایدیلر . جمعیت آرمنده کی موقعلری ایسه ( قادین جمعیت بشریه نک نصف دیکری در ) حدیث شریفیه تعیین ایتشدی . جناب رسالتناه ، ائی و فضیلتی بر

رفیقہ بہ دوشن کیمسہ نک نصف دینی قورتلش اولدیتی تصریح بویورمق صورتیله  
قادیئلغه هرشینک فوقده بر پایه ویرمشدی [۱]

افراد ، تربیة دینیہ صوک درجه رعایتکار اولدقلرتدن قادیئلره قارش  
هریزده عصمتکار بر حرمت کوستریلیدی . برمسلا ان قادینی هیچ بر حرمتیزلکه  
معروض قالمقیزین سربستجه سوقاغه چیقار ، ایشلرینی کوریر ، احتیاجات  
یتیهنی تدارک ایدر ، ارککلرله تماس ده بولنه ییلیدی . اسلام قادیئلری ،  
مجاهدین ایله برابر حربیه ییله کیدولردی . بوکونکی هلال احمر وظائفی ، او  
زمانلرده (مجاهده) نر طرفدن ایفا ایدیلیدی .

تاریخ ، میدان معرکه ده شانلی موفقیتلر کوسترن پک چوق (مجاهده) اسملری  
قید ایدیور : مورخ شهیر ( ابن اثیر ) ، صحابیاندن ( اسما بنت یزید ) ک - که  
معاذ بن جبل حضرتلرینک خاله لری ایدی - یرموک محاربہ سنده چادیر دیره کیله  
دشمن عسکرندن دوقوز بقری خاک هلاکه سردیکنی احترامکار بر لسانله خبر  
ویریور !... اصل برقادین ، بلا احتراز ارککلرله محاوره ایدر ، هرکس  
طرفدن مظهر احترام اولوردی . چونکه هیئت اجتماعیة تک تربیة دینیہ ومدنیہ سی  
ضایت یوکسک وعفت پرورانه ایدی . برقادینه قارش مغایر ادب طورلر الملق ،  
احتراسکار نظرلر قیرلامق کیمسہ نک خاطرندن کچمزدی . تربیة دینیہ او قدر  
اساسی ، تربیة اجتماعیہ بو درجه یوکسک ایدی .

حضرت پیغمبرک ( باشقلرینک قادیئلرینه عفتله معاملہ ایدیکزکه سزک  
قادیئلرنکزدده پایة عصمتی تعالی ایتسون ! ) مآلنده کی توصیه لری ، افراد اسلامیه  
آردسندہ لایتغیر بردستور حرکت اولمشدی . [۲]

قادیئلر ، زوجلرینه تحمل فرسا بر بار دکل ، شفیق وصیمی بریار ایدیلر .  
توصیه رسالتپناهییه توفیقاً قادین زوجیه برلکده چالیشیر ، اونکله برابر عائله نک  
تنظیم واعاشه نه غیبت ایدردی !

سوس ، زینت وتجملاته افراط درجه ده دوشکونلک که ، قادینی بر اکلنجه ،

[۱] من رزقه الله امرأةً سالحةً فقد اعانه على شطر دينه فليتنق الله في الشطر الثاني .

[حدیث شریف]

[۲] عفا عن نساء الناس تعف نساءكم . [حدیث شریف]

بر او یونجاق در که لرینه سقوط ایتدیرن بایاغی هوسلردر ، اسلام قادینلری ایچون مجهول ایدی . ذات رسالتناهی ، هوپالقدن توقی ایدن ، او یونجاق در که نه دوشمکدن صاقینان ، زینتدن زیاده یوواسنک رفاه وسعادتی دوشونن قادینلری تقدیرات نبویه لرینه مظهر بویورمشلردی [۱] .

حضرت حسینک کریمه محترمه لری (سیده سکینه) ، اصالت ، فطانت و فضیلتجه اسلام قادینلنک بر تمثالی ایدی . مشارالیه ، فرط عصمت و درایتیه اشتہار ایلشدر . ( کتاب الاغانی ) مؤلفی مشارالیه دن بحث ایدرکن دیورکه : سیده سکینه قریشک اجله رجالی ایله مجالسه وصحبت ایدر ، علما و ادیانک مناظره لرینه اشتراک یو یوریرلردی . دائرہ سی ، او عصرک ارباب عرفانی ایچون بر محفل علمی حائده ایدی . زیارتنه کلن مسافرلری لطفکارانه قبول ، ادیانک آثار شعریه لرینی استماع و تنقید ایتدیریر ، اونلزه بول بول عطیہ لر ویریردی . علما و فقہا ایسه ؛ اکثریا ؛ مشارالیه انک خانه سنده اجتماع ایدرلردی ! .

جناب رسالتناہ ، حجة الوداعده ایراد بویوردقلری خطبه ده قادینلره قوشی دائما حرمت و مودتاه معاملہ ایدلمستی امر ایتشلردی . خلفای راشدین دوری که وصایای نبویه نك حسن صورتاه تطبیق ایدلایکی بر عصردر ؛ بر چوق عالمه قادینلریه اشتہار ایلشدر :

عظمای اصحابدن حضرت طلحه نك کریمه سی و حضرت ابابکرک حفیده سی ( عایشه بنت طلحه ) ، حدیث ، ادبیات و تاریخده وسعت اطلاعات شهرت بولشدی . بنت طلحه نك درایت و عرفاننه طلاق بیانی ، ملاحظت و آتی ده انضمام ایدیوردی . کتاب الاغانی ده دینیلیورکه : بنت طلحه حجه چیقدیغی زمان بر قاج موکیدن متشکل معظم بر آلیله حرکت ایدردی . موکب خصوصیتی محاملر ایله مزین اوچ یوز ده وودن مرکب اولوردی . اثنای راهده علمای و شعرانی حضورینه قبول ایدر ، کندیلریله مباحثات علیہ ده بولنوردی . مشارالیه انک علم هیئتده مراقی واردی ! . حضرت ابابکرک کریمه سی و جناب زبیرک زوجہ سی ( اسما ) ده او عصرک کزیده قادینلرندندر . اسلامیتک روخه نفوذ ایتش اولان حضرت ابابکر ، کریمه محترمه لری عایشه ، اسما و ام کلثوم حضراتی مسلمان قادینلنک نجیب براتمودجی اولق اوزره تربیه ایلشدر .

[۱] اعظم النساء بركة ابرهن مؤونة . [حدیث شریف]